



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Aprilis.

**urn:nbn:de:hbz:466:1-38397**

eam, suis precibus reuocauit ad uitam. In Cœnobio Blandinio, eleuatio, & translatio Sanctorum Vandregifili Abbatis, & Aûsberti atque Vvlfiranni archipræsulum, Casini S. Ioannis Abbatis.

## MARTII 31.

**G**vidonis] *Huius uitam Surius, Tomo 2. de Sanctis, adfert, hac die. Eius & meminit Trittemius de uir. ill. Ord. S. Ben. libro 3. c. 3 17. Carolus Sigonius, de Regno Italia, lib. 8. eius obitum reponit ad an. 1046. uti & Trittemius, regiminis sui 48. migratū autem in oppido S. Donnini, & corpus Parmam delatum summo honore haberi cœptū est. Petrus Bugianus eiusdem meminit in diario quinto Hist. Monastica, correctione tamē indiget, cum dicit eum die 4. Aprilis ex hac uita migrasse.*

Eleuatio, & Translatio, &c.] *De quibus agunt Molanus in Addit. ad Vsuardum, & Galefinius de translatione solum, hac die. Res eorum gestas require in eorum natalitijs. Petrus de eadem translatione agit in Catalogo, lib. 6. cap. 127.*

Ioannis Abbatis] *De eodem agit Leo Ostiensis in Chron. Casinen. lib. 1. cap. 56. & 57. ubi eius gesta recenset, & hac die migrasse refert. Petrus uem Diaconus de Sanctis Casinen. c. 34. fuit natione Capuanus, & Abbas Casinensis 23. ac præfuit ann. 19. & mensibus 7.*

## APRILIS.

## CALENDIS APRILIS.

**A**mbianum in pago Vvinnocensi translatio Sancti Vvalerici Abbatis, cuius sepulchrum multis miraculis illustratur. Eodem die Sancti Hugonis Abbatis Bonæuallis, Ordinis Cisterciensis, discipuli Sancti Bernardi Abbatis, Gratianopoli Sancti Hugonis eiusdem ciuitatis Episcopi, qui multis annis in solitudine uitam exegit, & miraculorum gloria clarus migrat ad Dominum. In Boemia, depositio Sancti Procopii Abbatis, miraculis clari.

## APRILIS 1.

**V**innocensi] *Sic legit Ado, at Maurolycus habet Viniacensi: Vsuardus uerò die 12. Decembris, Vinoacensi legit.*

Translatio Sancti Vvalerici] *De qua hac die Mart. Rom. cum Baronio, Beda, Ado, Molanus in Addit. ad Vsuardum. Galefinius, Maurolycus, Felici, & alij. Eius uitam adfert Surius, Tomo 2. de Sanctis. De eodem susus agemus die 12. Decembris, quo eius natalis ab Vsuardo annocatur.*

Hugo-



Hugonis Abbatis] De eodem agunt Maurolycus & Felici, hac die. Et tanquam eius breuiter describit Petrus in catalog. lib. 4. c. 23. & Vincentius in Speculo fufius, lib. 29. c. 33. 34. 35. & 36.

Hugonis & c. Episcopi] Huius meminere hac die, Mart. Rom. cum Baronio, & alijs omnibus supracitatis, refertur autem relatus in album Sanctorum ab Innocentio Papa secundo. & uita descripta per Guidonem Carthusiæ Priorem ipsius Pontificis iussu, adfertur à Surio Tomo. 2. de SS. Plura de eodem reperies in uita S. Brunonis apud Surium, To. 5. die 8. Octob. & lib. 3. c. 1. uita S. Bernardi Abbatis. Vincentium in Speculo, lib. 27. c. 8. & 12. Petrum in Catalogo, li. 4. c. 22. & alios. Fuit autē natione Hispanus ex ciuitate Valentia, ex Canonico, Cluniacensis Monachus, & Abbas Castelsiensis, deinde Gratianopolitanus Episcopus, & Ordinis Cartusensis cooperatore strenuissimus, cuius etiam habitum fertur sub uestibus Episcopalibus gestasse. Obijt anno Domini 1132. Episcopatus 52. etatis 80.

QUARTO NONAS APRILIS.

Lotharij, Commemoratio meritorum uenerabilium Christi Confessorum Vrsuarii & Ermini, quando ab Hungaris liberati sunt. Lotharienses, per merita eorum. Toleti Sancti Bernardi primi eiusdem ciuitatis Archiepiscopi beneplacitis Deo actibus gloriosi, cuius corpus in Ecclesia, quam de Mezquita ad titulum beatæ uirginis consecratur, obtinuit, cunctis flentibus, sepulturam, acclamantibus uniuersis, Cur nos pater deseris desolatos? Leodij, transitus beatissimi uiri Dei Notgeri, eiusdem ciuitatis Episcopi, cuius præclara gesta habentur.

APRILIS. 2.

Commemoratio] De qua agit Molanus in Additionibus ad Vrsuarii dum hac die. Res eorum gestas uide in natalitijs eorundem.

Bernardi] Natalis huius Pontificis annotatur hac die à Roderico Toletano, qui de rebus Hispania, lib. 7. c. 4. & libr. 6. cap. 24. 25. & 27. eius res gestas egregie comprehendit. Erat autem Bernardus Gallus, Monachus Sancti Aurentii Auxitani, Congregationis Cluniacensis, & postmodum Abbas Sanctorum Facundi, & Primitini effectus est, demum ab Urbano Papa II. primus Toletanus Archiepiscopus, & Primas totius Hispania creatus, sedem illam gubernauit annis 44. Migravit à seculo anno 14. Alphonsi VIII. Regis, qui est secundum Vaseum Christi 1140. Sepulcrum est cum hoc elogio,

Primo Bernardus fuit hic Primas uenerandus.

Notgeri Episcopi] De quo Molanus in Additio. ad Vrsuarium, hac die. Tabula uerò Leodienses quæ apud me sunt lingua Germanica die 10. ini



ius mensis. Eius acta extare refert Molanus in *Addit. ad Usuardum*. Quo tempore floruerit multum inter auctores controuertitur, licetque hanc omnem ex equiuocatione nominis Notgeri omnino natam suspicor, diuersum enim esse ab eo Notgero Abbate S. Galli sequentiarum missalium auctore, temporum ratio indicat. Ille enim floruit anno Domini 850. & quod excurrit, ut ex approbatione libri sequentiarum eius colligere licet: approbatus est enim à Nicolao Papa I. cuius creatio refertur ad annum 858. Hic uero, Episcopus creatus est Leodiensis anno 971. uel 972. mortuusque dicitur anno Domini 1004. uel 1007. aut 1008. Ideoque correctione indigere uidetur Trutemius in lib. de Scrip. Eccles. & lib. 2. c. 69. lib. 4. c. 216. de uir. ill. Ord. S. Ben. qui unum & eundem fuisse putat. at ex suometipsius testimonio errasse conuincitur: in libro enim de scrip. Eccles. dicit uixisse an. 850. & in libris citatis de uir. ill. Ord. nostri centum annis post id est anno 950. & 970. ut etiam Catalogi Episcoporum Leodiensium confirmant. Vocatur à Demochare, Tomo 2. de sacrificio. Missæ. c. 37. Rogerus prima littera immutata, & Guacionis Ducis Suanurum filius, quem & mortuum putat anno 1004. In tabulis autem meis Germanicis filius Ducis Suenie appellatur, migraßeque refertur anno Domini 1007. regiminis sui 30. at si creatus est, ut aiunt ann. 971. siue ut Demochares uult 972. plures annos quam 30. sedisse futendum est, id est 35. uel 36. qui error forsitan ex numerorum transpositione in impressione irrepit. Monach. quidam Herueldæsis in chron. rerū Germanicarum eius mortem reponit ad an. 1008. sic inquit. MVIII. Notger Leodiensis Episc. obiit, cui Baldaricus successit: cuius opinione omnium uerisimilior mihi uidetur. temporum ratione diligenter considerata: Baldaricus enim annis 11. præsuisse legitur, & eius successor S. Volboldo annis duobus, qui & mortuus est Meyerò, lib. 2. Annal. Flaurie referente anno Domini 1020. qui anni tredecim, si ad septem Notgeri aduuantur (mortuus enim est in principio mensis Aprilis: & ideo annus iste pro primo anno Baldarici computatur) omnino mortem eius eo anno 1008. accidisse demonstrabunt. Duos huius nominis apud Hermanum in Chron. inuenio, quorum priorem obuisse dicit anno 912. sic inquit in chronico antiquo. Magister Notkerus obiit. at in recentiori sic. Apud S. Gallū Notkerus Magister doctus obiit. Posteriorem uero anno 1022. cum dicit in ueteri chron. Notgerus obiit. & in ultimo, Notgerus quoque Magister de S. Gallo, obiit. Et priorem quidem eundem putarem cum eo de quo Tritemius loquitur, auctore uidelicet libri sequentiarum, qui ab anno 850. quo uixisse traditur, ad 912. uitam traduxit: secundum uero diuersum ab hoc nostro Leodiensi Episcopo, cum ille referatur obuisse in S. Gallo, iste uero Leodij, ubi & sepultus est in Ecclesia S. Ioannis.



TERTIO NONAS APRILIS.

**I**N Anglia, depositio Sanctæ Burgundoforæ virginis & Abbatissæ Euoriacensis, & aliarum Sanctarum Virginum quæ sub eius cura degentes, meritis & miraculis celebres migrarunt in cælum. In Monasterio Alouillari, translatio corporis B. Madelupi Sacerdotis.

A P R I L I S 3.

Burgundoforæ] De ea Martyrol. Rom. cum Baronio, & Molanus in Additio. ad Usuardum, hac die. Eius vitam habes, Tomo 3. Bedæ; ipsi Bedæ quidem adscriptam, attamen à Iona Abbate compositam. De eadem agitur in vita S. Columbani Abbatis, cap. 12. Floruit anno Domini 610. fuitque ipsius S. Columbani discipula.

Madelupi] De quo Molanus in Additio. ad Usuardum hac die. quo autem die eius celebretur Natalis hætenus ignoro.

P R I D I E N O N A S A P R I L I S.

**H**ispali in Hispania, Sancti Isidori Episcopi, sanctitate & doctri-  
na conspicui, qui zelo Catholicæ fidei, & obseruantia Eccle-  
siasticæ disciplinæ Hispanias illustrauit. Constantinopoli, Sancti Pla-  
tonis Monachi, qui annos octo, & quadraginta aduersus hæreticos,  
effractores sanctarum imaginum inuicto animo decertauit. Binchi,  
ex Monasterio Laubiensi, translatio septem Abbatum, & Episcopo-  
rum Laubiensium.

A P R I L I S 4.

**I**sidori] De quo Mart. Rom. cum Baronio, Usuardus, Galefinius, Me-  
rolycus, Felici, & alii, hac die. Eius vitam per Branlium Episcopi Ce-  
sar Augustanum conscriptam, habet Surius, Tomo 2. Reliqua de eodem in  
Annotationibus R. Baronij, hac die. De eius Monachatu nonnulli du-  
bitant: scribitur tamen à Melchioro Hutorpio in eius vita, fuisse disci-  
pulus S. Gregorij Papæ: & in Claustro etiam nostro S. Benedicti Man-  
tuani ante annos centum depicto, in habitu Monachali cernitur, & à  
Bugiano pro Monacho agnoscitur; cuius verò cænobij professor fuerit  
cum non habeam, controuersiam hanc iudicio Lectoris dirimendam re-  
linquo.

Platonis] De eo Martyrol. Rom. cum Baronio, & Græci in Meno-  
logio, hac die. Res eius gestas adfert Reuerendissimus Aloysius Lipo-  
manus Veronensis Episcopus, Tomo 7. quas descripsit Theodorus Stud-  
ta luculenta oratione. Ex catalogo Abbatum Montis Casini, à Petro  
Diacono conscripto, cognouimus multo ante tempora huius Platonis, Ro-  
gulam S. P. N. Benedicti illis in partibus promulgatam, sub qua potest  
militasse fortasse hic Sæctus: omnia tamen sub correctione à nobis apostata  
Transla-



Translatio septem Abbatum] *Huius meminit Molanus in Addit. ad Usuardum, hac die: cuius historia refertur apud Canonicos Bincbenses in Flannonia.*

NONIS APRILIS.

**A**pu'd Leodium in Monte Cornelion, obitus B. Iuliane virginis, eiusdem loci prefectae, quae tertio obitus sui die ad caenobiū Villariense translata, illic inter corpora sacra sepulta est; ubi & eius vita habetur. Sueffionis, translatio Sancti Godefridi Ambianensis Episcopi.

APRILIS 5.

[Vlianæ] *De qua Molanus in Addit. ad Usuardum, & Galestinus, hac die: qui tamen quo floruerit tempore non refert.*

Translatio S. Godefridi] *Huius translatio facta est Sueffionis, hac die per Gosleuum Episcopum, anno 1138. ut notatur in eius vita apud Surius, Tom. 6. die 8. Nouembris. Fuit ex Monacho & Abbate S. Mariæ Nouingenti, Ambianensis 34. Episcopus.*

OCTAVO IDVS APRILIS.

**I**n Dania S. Gulielmi Abbatis, vita, & miraculis clari. Romæ, Sanctæ Gallæ viduæ, & sanctimonialis, Symmachi Consulis filiae, cuius uirtutes, & felicissimum ad Deum transitum, Sæctus Gregorius Papa descripsit. Trevis, Sancti Vermebandi Abbatis.

APRILIS 6.

**G**ulielmi Abbatis] *Sive Vrilemi, de quo Mart. Rom. cum Baronio; Molanus in Addition. ad Usuardum, & Felici, hac die. Vitam eius adfert Surius, Tom. 2. Tritemius uero de uir. ill. Ordin. S. Bened. libr. 3. capit. 290. eundem 16. calendas Iulij reponit. Fuit primum Monachus S. Germani Parisiis sub Regula Sancti Benedicti; assumptus deinde in Abbatem S. Genouesæ ibidem, quod caenobium Regule S. Augustini suppositum erat, Regularis aliquandiu uixit, sed postmodum à Rege Danie Wraldemaro euocatus, priorem Regulam reassumens Abbas Roschildensis constitutus est; & bonis operibus plenus obiit an. 1202. ætatis sue 98. regiminis uero anno 40.*

Gallæ viduæ] *De hac Martyrologium Romanum, anno Dom. 1583. excusum, hac die. Baronius uero in Martyrologio Romano, Galestinus, Maurolycus, & Felici, die 3. nonas Octobris, quod qua id ratione faciant ignoro. Perspicuum enim est, si presato etiam Baronio, & Antonio Galano, Congregationis Oratorij Presbytero in libro quem de Sanctis Virginitibus Romanis composuit credimus, Gallam nostram hac die obiisse: Sancto enim Gregorio dialogorum, lib. 4. cap. 13. testante, Gallæ obiit triginta diebus*



diebus ante S. Benediclam sanctimonialem: dicit enim, loquens de S. Benedicla, Tertio utem die cum ea, quæ iussa fuerat Sorore defuncta est (scilicet Galla) Illa uerò (Benediclam intelligit) quam ipsa poposcera die est tricesimo subsecuta. Hæc Gregorius. Cum autem presbiteri Baronius in Martyrol. Rom. & Antonius Gallonius loco citato, afferant S. Benediclam die sexto mensis Maij. ex hac uita migrasse; omnino consequens est ut S. Gallam hac die, & non tertio nonas Octobris, defunctam fateamur; presentemq; diem eius Depositioni, quintum uerò mensis Octobris Translationi, aut certè Commemorationi consecremus.

Vvermebandi] Sive Vvermebaldi, ut legit Maurolycus, qui de eodè, cum Molan. in Add. ad Vsuar. agit, hac die. Tempus quo floruit me latet.

## SEPTIMO IDYS APRILIS.

**I**N Monasterio Crispiniensi, depositio Sancti Aiberti Monachi, qui accepta facultate à Paschali Pontifice peccatorum confessiones audiendi, multorū animas Deo lucratus, clarus postea miraculis obdormiuit in Domino. Huius festū plenius recolitur secunda die Maij. In Eiffia, Monasterio Steinfelt, sanctæ memoriæ Hermann, qui & Ioseph propter simplicitatem dictus est, & prophetiæ spiritus plenus: martyrium Sancti Engelberti Episcopi Colonienfis longè ante prædixit.

## APRILIS 7.

**A**iberti] De eodem Mart. Romanum, anno 1583. impressum, Molanus in Addit. & Annot. ad Vsuardum, & in Indiculo Sanctorum Belgij; & Felici sub Alberti nomine, hac die. Eius vitam composuit Robertus Archidiaconus Austrouandicæ, quam recitat Surius, To. 2. Obijt die Pasche sancto, Monachatus sui anno 50. in suo Monasterio Crispiniensi, non longè à Valencianis in Hannonia sepultus.

Hermann] De quo Molanus in Addit. ad Vsuardum, hac die; cuius uita eodem referente habetur MS. & impressa. hanc scripsit quidam Abbas eius familiaris. De eodem plura habet Petrus Cratopolus de Episcopis Germaniæ.

## SEXTO IDYS APRILIS.

**I**N Cænobio Marciensis, elenatio Sancti Ionati Abbatis & confessoris Christi. Augustæ, Sancti Victerbi Episcopi, admirandæ sanctitatis uiri.

## APRILIS 8.

**E**lenatio Ionati] Molanus in Addit. ad Vsuard. & in Indic. SS. Belgij huius elenationis meminit, hac die. Fuit primus eiusdem loci Abbat. Natalis celebratur calendis Augusti.

Victorbi



Victe[ri] Episcopi] *Sive Victerpi, quem hac die migrasse testatur Demochares de sacrif. Mis. To. 2. c. 35. à quo numeratur nonus eius sedis Episcopus. De eodem agit & Petrus Cratepolius de Episcopis Germanie, sed die 18. huius mensis obiisse refert. Belforelius in Catalogo Episcoporum Augustanorum eiusdem meminit. Ex Monacho & Abbate Elefancensis, Monasterii, factus est Augustanus Episcopus. an. 716. migravit que an. 732. regiminis sui 16.*

QVINTO IDVS APRILIS.

IN Gallijs ciuitate Rothomagensi, Sancti Hugonis præfate urbis Archiepiscopi, qui diuina inspiratione succensus, relictis Episcopatus habenis, à Sancto Aichadro, in Gemetico disciplinam Monachorum, & habitum, ex toto corde appetiuit, sacrique magistri moribus informatus, omni uirtutam genere perfectus emicuit. Cuius corpus magna reuerentia asseruatur, & fulget in Præpositura Sancti Vedasti, Haspris dicta, in Diœcesi Cameracensi. In Castro Monte, transitus S. Vualdetrudis, quæ ex Sancto Vincentio uiro nobili, genuit Sanctas uirgines Aldetrudem, & Madelbertam; deinde ab illo seruata charitate, separata, in Castri loco ad exercitium spirituale, multam Sanctarum uirginum militiam adunauit.

APRILIS 9.

Hugonis] *De eo Molanus in addit. ad Vsuardum, & in indiculo SS. Belgij, et Galefinus hac die. Numeratur a Demochare de sacrif. mis. Tomo 2. cap. 20. vigesimus quintus illius sedis Archiepiscopus. Floruit anno Domini 720.*

Vualdetrudis] *sive ut nonnullis placet Valdrudis; de qua Molanus in addit. ad Vsuardum, & in indiculo sanctorum Belgij, hac die. Tritemius vero de uir. ill. Ord. S. Bened. lib. 3. cap. 285. die sequenti eam reponit. fuit hac filia Vualberti, & Bertilia, comitum Hannonie: quibus in comitatu successit; eius soror fuit S. Aldegondis prima Malbodiensis Abbatissa; fuerunt ei & duo filij sanctitate conspicui, Landricus scilicet, & Dentelinus. Sacrum velamen accepit a S. Auberto Cameracensi Episcopo in Monasterio Castriloco a se fundato: quod cœnobium hodie est in prima Hannonie urbe, Montibus uidelicet, Ecclesia Sancte Vualdetrudis, conuersa in Canonicarum nobilium collegium, cuius perpetuus Abbas est Comes Hannonie. Comitatum deseruit anno Domini 606. Pauca item de ea narrat Franciscus de Rosieres Tomo 4. Stemmatum Lotharin. historia capitali 73. folio 255.*







*Vita Venerabilis Bedæ ex libro vetusto Bibliothecæ  
Monasterij Sancti Benigni propè Ianuam, com-  
pendiose excerpta.*

BEDÆ Presbyter & Monachus cum humanarum diuinarumque  
literarum Scientia, & non minus sanctitate polleret, & non solum  
in Anglia, unde oriundus erat, sed etiam in omnibus vicinarum re-  
gionum populis admirabilis haberetur, ab Imperatore Carolo Ma-  
gno summo cum honore accitus fuit, ut scilicet gratissima eius fa-  
cundia fruere, & in arduis negotijs gravissima eius experiretur  
consilia. Cæterum cum venerabilis uir quadraginta quinque annis  
& docendo & scribendo in imperiali curia commoratus fuisset, ne  
monasticum propositum, in domibus regum degens, perderet, ti-  
mens, & cælesti Regi magis seruire ambiens, a turbarum frequen-  
tia tumultibusque semotus, Imperatorem adiit, ut cum eius pace &  
populorum stipatione ad alicuius Monasterij solitudinem sibi mi-  
grare liceret. Hac allocutione percussus Imperator, ne tanto orba-  
retur doctore, nihil prætermisit, sacras etiam infulas promittendo,  
sed non profecit. Cum igitur Gulielmi Abbatis sanctitatis famam  
dedicisset, qui iuxta Gauellum fluium non longè ab Vrbe Hadriæ  
quidam cenobio præsidebat; ad eum se contulit Venerabilis uir,  
una cum Venerio fido Comite, a quo humanissimè suscepti, ibi,  
dum nixerant diuino se manciparunt seruitio, orationi, contempla-  
tioni, diuinis eloquijs, sacrarumque scripturarum expositionibus  
uacantes. Composuit autem Beatus uir Commentaria super quat-  
tuor Euangelia, librum actuum Apostolorum, Epistolas canonicas,  
Apocalypsim, &, ut a multis asseritur super parabolas Salomonis.  
Martyrologij insuper & computi librum edidit, & Chronicam a  
mundi principio usque ad Gratianum Imperatorem, multos etiam  
tractatus, tam profaico, quam metrico stilo peruitiles. Prætereun-  
dam non uidetur, quod prædicto Venerio referante subiungitur  
(hic enim, quæcumque Venerabilis uir dictabat, scripto excipiebat)  
Columba siquidem uisu mirabilis cernebatur ad cellæ fenestram  
persistere, & auribus uiri sancti, quæcumque dictare uolebat instilla-  
re, & quotiescumque oratorium introibat, cum eo simul & illa in-  
grediebatur. Cuius species alba desuper, reliquis in partibus uarie-  
tate circumdata cernebatur; ita ut in ea pennæ Columbæ de argen-  
tæ, & posteriora dorsi eius in pallore auri n ominarentur: non du-



bium quin in uarietate pennarum differentiam ostenderet gratiarum, & Sancti Spiritus donorum uarietate. Porro cum eam uellet Venerius (rem non intelligens) deturbare, ait uir Sanctus: dimitte eam, nec enim à Deo ad infestationem, sed ad magnam consolationem transmissa est. Post mortem uerò Caroli Magni Venerabilis uir quinquennio superuixit, & diem ultimum Ecclesiasticis sacramentis muniens, inter manus Abbatis & Venerij expirauit, quarto Idus Aprilis, ad cuius sepulchrum mirabilia operatus est Dominus.

*Translatio Corporis.*

Anno uerò salutis 1255. cum tota circumiacens regio in stagnum & paludem deducta esset, etiam prædictum Monasterium habitantibus cœpit destitui, deficientibus sumptibus uictui necessarijs, & frigescente obseruantia feruore, quibus causis tanti patris ossa nullo ferè nenerabatur honore.

Contigit autem, ut quidam Monachus, fructuariensis Congregationis, Ioannes de Beuilacqua dictus, natione Ianuensis, Guelli transitum faceret, qui uidens eiusdem Beati uiri tumulum congruo cultu destitutum, admiratus est, & intra se diu hæsitans deliberauit clam sacras asportare reliquias, ubi maiori deuotione colerentur; sicque cuidam fido nauarum re communicata, & obseruato profundæ noctis silentio, ex hospitio discedens, ad Ecclesiam accessit, & oratione præmissa ad tumulum se recipiens, post multos conatus, Deo opitulante sacra ossa extraxit. Quibus in capilla reuerenter reconditis, ad proximum stagnum detulit, nauigiumque se committens silenter abscessit. Paucis uero interiectis diebus ad Monasterium Sancti Benigni Presbyteri & martyris propellendam, ubi dicitur, in capite fari, deueniens, ibi præciosum thesaurum honorifice collocauit, ubi plures, & præcipuè energumens, & nitatis munere sunt potiti. *Hactenus de vita Bedæ, Genuensis, qui omnino a nostro Anglico censendus est.*

TERTIO IDVS APRILIS.

**S**poleti, Sancti Isaac Abbatis & confessoris, cuius præclaras uirtutes Sanctus Gregorius Papa commemorat. In Britannia, Sancti Guthlaci confessoris, & ex Monacho, Anachoritæ, qui multis uirtutibus fulgens, requieuit in pace. Turonis, Sancti Agrici Abbatis. Nouiomi, Sanctæ Godobertæ virginis & Sanctimonialis. In Brienno Monasterio, aduentus Sancti Leodegarij Episcopi & martyris. Item Beatæ memoriæ Reineri solitarij, qui apud Ecclesiam Clugbrungensem, uita, & miraculis admodum effulsi.



APRILIS II.

[Saac.] De hoc Mart. Rom. cum Baronio, & felici, hac die. Eius res gestas prosequitur S. Gregorius Dialog. lib. 3. cap. 14. quas adfert Surius Tomo 2. de SS. Huius & meminit Petrus in Catalogo lib. 5. cap. 84. & Tritemius de vir. ill. Ord. S. Ben. lib. 3. cap. 15. Claruit eo referente anno Domini 560.

Guthlaci] De quo Molanus in addit. & annotat. ad Usuardum; Macrolycus, & felici, hac die. Vitam eius adfert Surius Tomo 2. Eandem posteris tradiderunt, Felix Crolandensis, prosa, & Gulielmus Ramefey, carmine heroico, Monachi ambo Benedictini. Petrus item de Blesis libro unico eandem recensuit. Fuit autem Guthlacus nobilissimo ac Regio Britannorum Regum genere ortus, & ex Monacho cœnobij Rependonij, Anachoreta Crolandensis Silue, qui migravit ex hac vita anno Domini 706.

Agirici Abb.] De eodem Molanus in addit. ad Usuardum, hac die, quo floruerit tempore ignoro.

Godobertæ] De eadem Molanus ibidem, Galefinius, & Macrolycus, & Felici, sub Cutbertæ nomine, hac die. Agit de ea & Demochares Tomo 2. de sacrificio missæ cap. 15. sepulta est in altari S. Georgij.

Leodegarij Episcopi] Huius aduentus, siue receptionis reliquiarum corporis S. Leodegarij, meminit Molanus in addit. ad Usuardum, & in Indiculo Sanctorum Belgij, hac item die. Latius de eodem agemus die 2. Octobris.

Reineri] De eodem & Molanus ibidem, hac die; & Petrus Cratopolius de Episcopis Germaniæ.

PRIDIE IDVS APRILIS.

Monasterio Sithiu, depositio Sancti Erchembodonis Morinorum Episcopi, & Abbatis Sithiuensis, prædicationis Evangelij laude celebris. Colonia, in cœnobio Sancti Pantaleonis, Sancti Helie Abbatis, duorum Monasteriorum Patris, magnæ prudentiæ & Sanctitatis. In Monasterio Vallis Umbrosæ, depositio Beati Petri Monachi & Eremitæ, tantæ sanctitatis, ut sola oratione aquam exemplo Domini, in uinum conuerterit. Cauæ, depositio Sancti Alferij Abbatis Cauensis primi, miraculis clari.

APRILIS. 12.

Erchembodonis] siue Erxembodonis, cuius meminit Molanus in addit. ad Usuardum & in indiculo Sanctorum Belgij, hac die. De eo item agunt Jacobus Meyerus lib. 1. ann. Flandriæ ad annum 742. & Demochares



chares de Sacrif. missæ, Tomo 2. cap. 17. a quo notatur septimus eius scilicet Episcopus, concordatq; cum Meyerò de mortis anno 742. scilicet: in quo videtur errasse Molanus in Indiculo SS. Belgij, qui mortem eius ponit anno 734. Variat & Demochares in nomine, Erbrenobo enim, corruptè factis, ab eo uocatur, nisi fortè fallax sit impressio.

Helix ] Notatur huius natalis, hac die à Trittemio de uir. ill. Ord. S. Bened. lib. 3. cap. 241. Extiit Abbas Sanctorum Pantaleonis, & Marini, moriturq; anno 1042. siue 1043. ut uult Leslaus, lib. 5. de gestis Sanctorum, qui de eodem agit.

Petri Monachi ] Tabula Vallis Umbrosæ de eodem agunt, hac die, quæ dicunt eum obiisse, anno Domini 1098.

Alferii Abbatis ] Tabula Cauenses, hac die eundem reponunt. Res eius gestas à Ioanne Monacho conscriptas, adfert Surius, Tom. 2. Extant eadem, & in Monasterio Cauensi litteris Longobardicis exarata. Easdem fusius prosequitur D. Alexander Neapolit. in Chron. Cauensi MS. à c. 1. usq; ad 29. Fuit natione Salernitanus, ex nobili Papagallorum familia, & migravit à seculo an. 1050. etatis sue 120. cū Monasti. Cauen. præfuisset ab an. 980. quo illud canobii in Feneſtre Mont. Eremo in Metelliani Causa sub S. Trinitatis noie fundarat, usq; ad præfatū an. 1050. Dubitat Surius de Canonizatione huius S. Alferij, & aliorum trium Abbatum Cauensium, Petri, uidelicet, Leonis, & Constabilis; At in numerum Sanctorum relatos esse didicimus ex Epistola admodum R. P. D. Victorini Manjo ab Auersa, tunc temporis Abbatis Cauensis, qui anno 1589. ad Comitia generalia Ordinis accessurus, declarationem Canonizationis eorundem, ab Illustrib. & Reuerendis. S. R. E. Cardinalibus, super interpretatione, & executione Sacri Oecumenici Concilij Tridentini deputatis, uisus eorum actibus impetrauit. Subijciemus autem hic eius Epistolam ne impossibilitatis alicuius nota arguamur, quæ talis est: A punto in quelli istessi giorni, che V. P. mi scriſſe, uolorno al Cielo quei quattro Santi Padri, di cui già sono Vite autentiche, che siano Santi; et si potrà ponerle al primo, Fundator; Et primus Abbat Congregationis Cauensis; & al Terzo, cioè, al Santo Pietro Abbate; Abbas Monasterij Cauensis, & dux siue institutor proprijs monitis plusquam trium millium Monachos, ò, come meglio li parerà, poi che nella sua Legenda si narra, ch'egli, con le proprie mani, diede l'habito à piu di tre millia Monachi. Altro per adesso di certo non mi occorre, ma bene li raccomando questi quattro, & che dia presto complimento al tutto, perche ho giudicato l'una, & l'altra uostra opera degna, & di molto honore alla Congregatione, si che io farò sempre pronto à far riconoscere



nostro merito. Il nostro Signore la conferui, Dal sacro Monasterio  
Cauenfe, li 28. di Settembre 1589.

Di V. P. M. V. Affettionatissimo

D. Vittorino.

IDIBVS APRILIS.

**I**N finibus Aruernorum, Sancti Martii Abbatis Aruernensis, & cō  
fessoris, cuius laudes texuit Sanctus Gregorius Turonensis Epi-  
scopus. Camalduli transitus B. Iacobi de Certaldo, magne abstinē-  
tiae uiri.

APRILIS 13.

**M**Artii] De eodem Felici, hac die. Galefinius item sed nomen con-  
fundit, Martinum vocans; at Martinum debere scribi, tum ex  
Gregorio Turonensi de uita Patrum, cap. 14. tum etiam ex Surio, qui hāc  
eandem Gregorij adfert, Tomo 2. edocti sumus. Floruit anno 570. & eta-  
tis anno 90. obiit. Agit de eodem Trittemius de uir. illust. Ord. S. Bened.  
libro tertio, cap. 27.

Iacobi de Certaldo] Tabula Camaldulina, eius transitū, hac die as-  
signant. Res eius gestas describit D. Augustinus Florent. parte secunda  
Hist. Camald. libro 2. cap. 7. Obiit anno Domini 1292. Religionis assum-  
pta 60. Eius uitam descripsit sermone Latino Raphael Maffei Volaterra-  
nus. De eodem agit Siluanus Razzi in uitis SS. Ethruviae. Fuit filius Al-  
bertini Equitis de familia Guiti.

DECIMOCTAVO CAL. MAII.

**L**ugduni, Sancti Lamberti Episcopi, & confessoris, doctrina, &  
sanctitate conspicui.

APRILIS 14.

**L**amberti] De eo Molanus, hac die. Res eius quas fecit recitat Angra-  
dus Monachus Fōtanella in uita S. Ansberti Episcopi, quae est apud  
Surium, Tomo 1. die 8. Februarii. Agit de eodem Trittemius de uir. ill.  
Ord. S. Bened. libro 3. cap. 96. in uita Sancti Vuandregisili Abbatis, &  
lib. 4. cap. 61. Errat tamen in nomine Episcopatus: cum enim prius di-  
xisset, libro 3. cap. 96. cum fuisse Archiepiscopum Lugdunensem, & re-  
dē, diligētie suae immemor, hoc cap. 61. lib. 4. Bituricensem Archiepisco-  
pum constituit, cum in toto Catalogo Pontificum Bituricensium nullus re-  
periatur hoc nomine, corrigendus est ergo, & loco diuisionis Bituricensis,  
Lugdunensis apponenda. Notatur à Demochare de Sacrif. Missae, To. 2.  
cap. 27. diuersimodē: secundum enim Catalogum Campegii est 43. in or-  
dine: iuxta uerò denominationem Leonardi Saraceni, à quo Landeber-  
tus, nominatur, quadragesimus: ab utrisque tamen datur Sancto Gene-  
sio

Ii 4 fio



ſio ſucceſſor; qui *Geneſius* perperam, à *Trittemio* de *uir. ill. Ord. S. Bened.* lib. 3. cap. 201. & lib. 4. cap. 58. ſcribitur *Archiepiſcopus Bituricensis*; im-  
memor uerborum ſuorum, que in uita *S. Vuandregiſili Abbatis*, libro 3.  
cap. 96. dixerat, *Sanctum* uidelicet *Lambertum*, ei in *Lugdunenſi* ſede ſuc-  
ceſſiſſe, caueatur igitur error iſte, reponaturq; ſua integritati *Trittemius*.  
Fuit autem *S. Lambertus Taruanenſis* natione, *Monachus*, & *Abbas*  
*Fontanella* poſt *S. Vuandregiſilum* *Abbatem*, & demum *Archiepiſcopus*  
*Lugdunenſis*, circa annum 660.

## DECIMOSEPTIMO CAL. MAII

**I**N *Reomago* cœnobio, *Sancti Silueſtri* *Monachi*, *discipuli Sancti*  
*Ioannis* *confessoris*. *Camalduli*, *depoſitio* *B. Iacobi* *Eremitæ*. *Eo-*  
*dem die* in *Monasterio Sancti Galli*, *prima* *translatio* *Sancti Othma-*  
*ri* *Abbatis* *de ſepulchro ſuo* ad *Oratorium S. Petri*. *Eboraci*, *elevationo*  
*S. Oſualdi* *Episcopi*, & *confessoris*.

## APRILIS 15.

**S**ilueſtri] *De eodem* *Molanus* in *Add. ad Vuardum*, *hac die*. *Eius mo-*  
*giſtri uitam* *reperies die 28. Januarii*. *Huius feſtū* *reponit Trittemius*  
*de Vir. illuſt. Ord. Sancti Benediſti*, lib. 3. c. 275. 15. cal. Maij.

*Iacobi Eremitæ*] *Ex Calendario impreſſo RR. Patrum Camaldulenſium*  
*S. Marci Mantuæ*, *huius natalem* *cognoui*, *de reliquo* *mibi obſcurus eſt*.

*Translatio Sancti Othmari*] *De qua agitur in uita eiufdē c. 5. apud*  
*Surium*, *Tom. 6. die 16. Nouembr.* *Facta autem fertur hac die*, *qua erat*  
*Paraſceues Domini Noſtri Ieſu Chriſti*.

*Elevationo S. Oſualdi*] *Facta refertur, hac die*, *à Mattheo* *Veſtmo-*  
*naſterienſi* *in floribus hiftoriarum*, *ann. 1002.* *qui erat ab ipſius morte de-*  
*cimis*, *ad Aeldulpho Eboraceni Archiepiſcopo*, *ipſius S. Oſualdi ſucceſ-*  
*ſore*; *qui ſacras eius reliquias in theca*, *quam præparauerat honorifice re-*  
*condidit*.

## DECIMOSEXTO CALENDAS MAII

**I**N *Sicilia* *iuxta caſtellum bonum*, *ſub Marone monte*, *ac gemel-*  
*lis collibus*, *in cœnobio Sanctæ Mariæ à partu*, *depoſitio Sancti*  
*Gulielmi* *confessoris*. *In pago* *Constantienſi* *in Britannia minori*, *San-*  
*ctorum Paterni* *Episcopi* *Abrincenſis*, & *confessoris*, *ex Abbatibus*  
*Sciſciaceniſi*; & *Scubilonis* *Abbatis*. *Bracare* *in* *Hispania*, *Sancti Fro-*  
*tuofi* *Archiepiſc.* *ſummæ doctrinæ*, & *admirandæ ſanctitatis uita*.

## APRILIS 16.

*In cœnobio S. Mariæ à partu*] *Quod aliter uocatur S. Maria de Bos-*  
*dunari*; *fuit fundatum ab Ula*, *uxore Ioannis Graſſai*, *Partamio* *Dun-*  
*ni*, *circa annum 1190.*



Gulielmi] De quo Molanus in addit. ad Usuardum, Felici, Galesinius, & Maurolycus hac die. Fuit iste Gulielmus Monachus eiusdem cœnobii, sed quo claruerit tempore ignoro.

Paterini] De eodem Molanus ibidem, & Felici, hac die. Eius uitam fideliter conscriptam adfert Surius Tomo 2. de Sanctis. Agit de eodem pauca admodum Robertus Cœnalis Episcopus Abrincensis, de re Gallica lib. 2. perioche 6. Vocatur autem hic Paternus lingua Gallica, Sainct Poix, ad differentiam alterius Paterni Veneticæ ciuitatis Apostoli, qui dicitur, Sainct Pater. Notatur vero a Demochare de sacrif. Missa Tomo 2. cap. 21. quartus illius sedis Episcopus; floruit circa annum Domini 560. obiitque anno. etatis. 70. regiminis sui 13.

Scubilionis] Vita S. Paterni apud Surium notat hunc eodem die quo S. Paternus cuius erat discipulus, migrasse. Hunc Felici Scubicionem appellat.

Fructuosi] De eodem Alphonsus de villegas in flore Sanctorum Hispanie, hac die. qui eius vitam copiose satis describit. Thesaurus item Cononatorum Tomo 2. Agunt insuper de eo Ambrosius de Moralibus, in Chron. Hisp. lib. 12. cap. 33. & 35. Vaseus in Chron. ad annum 655. & F. Alphonsus Ciacon. de præcis Teuuis cap. 8. Ex Abbate Dumienfi, creatus est Archiepiscopus Bracarenfis a Patribus Cœcilij Toletani decimi, in locum Pflamij Episcopi qui non sine multis aliorum Sanctorum Patrum lachrymis ac suspirijs, propria atque ultranea confessione, se ab administratione sui Episcopatus. semouerat, quod tactu femineo sordidisset. Viam omnes hoc tempore uitam Ecclesiasticam professi, hoc peccatum perinde abhorrent, aut humana fragilitate commissum, pari penitentia contenderent expiare. Sanctus vero fructuosus regio stemate clarus, multorum cenobiorum Pater ac fundator, migravit a seculo circa annum Domini. 664. Corpus eius requiescit in Ecclesia S. Iacobi de Compostella. Scripsit, ut author est Moralius, Epigrammata quatuor, & Epistolam unam ad Reccesvindu Regem. Citatur eius, auctoritas a Gratiano de conf. dist. 5. cap. Carnem.

DECIMO QUINTO CAL. MARI.

Ordubæ, Sanctorum martyrum Helie Presbyteri, Pauli & Isidori Monachorum. Hij duo florenti ætate, ille iam senex, patria Lusitanus, admiranda sanctitate uir pro fide necati, coronatur. Cisterij in Gallia, Sancti Stephani Abbatis, qui primus Eremu Cisterciensem incoluit, & Sanctum Bernardum cum socijs ad se uenientem, lætus excepit; quoram særu Monasticam obseruantiam restitutam, in prosperos feliciter propagauit. Sonegias, natalis San-

Qi



cti Landrici quondā Metensis Episcopi, Abbatis & confessoris, nobilitate, & sanctitate præclari. Eodē die, S. Vualfridi Abb. Deo dilecti.

APRILIS 17.

**H**Elia] alias Helei, ut *Vsuardus*, hac die, seu *Elia*, ut *Eulogius* in *memoriale Sanctorum*, lib. 3. cap. 15. qui eorum gesta recenset, passio- que ait *Aera* 894. nempe anno Domini 856. Eorum item vitam describit *Alphonsus* in *flore Sanctorum Hispania*. De iisdem *Vaseus* in *Chronico*, sed fallitur de tempore martyrij. *Ambrosius* de *Morales* in *Chron. Hispan.* lib. 4. c. 14. Eorum etiam memoriam agunt, hac item die *Martyrol. Rom.* cum *Baronio*, *Galesinius Maurolycus*, *Felici*, & alij.

*Cistertij*] Cœnobium est in *Burgundia*, fundatum ab *Orhone*, siue *Eudone* II. Duce *Burgundia*, circa ann. 1070.

*Stephani*] De quo *Mart. Rom.* cum *Baronio*, hac die. De eodem plura in *vitis SS. Bernardi*, & *Roberti Abbatum*. Eius & meminit *Vincentius* in *Speculo*, lib. 26. cap. 1. & 2. Ad hunc venit ad conuersionem *S. Bernardus* anno 1113.

*Landrici*] Eius meminit *Molanus* in *Addit. ad Vsuardum*, & in *Indiculo SS. Belgij*, hac die. Fuit filius *Sanctorum Vincentij*, & *Valdetradis Comitum Hannonie*, qui resignato *Episcopatu Metensi*, post patris obitum factus est *Abbas* in *Senogia Hannonia*, ubi cum patre quiescit in eodem Cœnobio, quod conuersum est in *Canonicorum collegium*.

*Vualfridi Abb.*] De eo item *Molanus* loco citato, hac die: & *Tritemius* de *uir. ill. Ord. S. Ben.* lib. 3. cap. 281. Fuit *Abbas Palatioli*, quod iam dudum esse desit.

DECIMO QUARTO CAL. MAII.

**C**ordubæ, Sanctissimi martyris *Perfecti* Monachi, & *Presbyteri*. Hic ciuis *Cordubensis* in *Monasterio Sæcti Acifeli*, nobilitate, eruditione, ecclesiasticisque disciplinis institutus, & *Arabici* sermonis vsu litteratè peritus, cū eam ob causam *Mauris* notus admodum esset, de *Christo*, & *Mahomete*, testimonium proferre aliquando iussus, expositis, exaggeratisque nefariis istius facinoribus, exploratæque doctrina; *Christi* diuinitatem liberè professus, à *Mauris* cohorte compræhensus, ad *Iudicem* raptatur, cuius iussu compedibus vincetus, in ergastula truditur: vbi in vigiliis, orationibus, ac ieiuniis frequens, *Spiritus sancti* virtute, roboratus, liberius, fortiorique animo sententiam suam confirmauit. Itaque multis post mentibus è carcere educus, constantissima *Christi* confessione, *Mahometis* cultum detestans, gladio percussus, coronatur. In *Montibus Hannonia*, depositio *Ayæ Comitissæ Hannonia*, tam sanguine, quam vi-



ta præclarè, cuius etiam memoriam facit Ecclesia Montensis in Litanijis. Eodem die B. Bartholomæi Conuersi Vallis Umbrosæ, sanctitatis eximia. Fulde, Sancti Rotulphi Monachi, & martyris ab Hungaris occisi.

APRILIS 18.

**P**erfecti] De eodem Mart. Rom. cum Baronio; Vsuardus, Maurolycus, & Felici, hac die; Galefinius item sed uariat in nomine, Præfatum enim eum vocat. Huius martyrium egregie descripsit S. Eulogius in memoriali Sanctorum, lib. 2. cap. 1. Item idem in Documento martyriali. Incidit illius passio æra 888. qui erat annus Christi 850. Feria sexta.

Ayæ] Sive ut alijs placet Agie: de qua Molanus in Addit. ad Vsuardum, & in Indiculo SS. Belgii, hac die. Eius & meminit Franciscus de Rosieres, Tom. 4. Stemmatis Lotharingæ, Hist. Capitali. 73. fol. 255. Fuit Agia Brunulphi, Fratris Valberti 4. qui fuit pater S. Uualdetrudis, filia, vxorq; S. Hadulphi Ducis Lobiensis, qui postea factus est primus Abbas, & Episcopus eiusdem loci, cuius permissu ingressa cœnobium Castrilocense à Sancta Uualdetrudè conditum, & ab ipsa plurimum locupletatum & auctum, in eodem miraculis clarens obiit anno 618.

Bartholomæi Conuersi] Tabula Vallis Umbrosæ de eodem agunt, hac die, referuntq; obiisse anno Domini 1420.

Rotulphi Monachi] De quo Calendarium meum Germanicum, hac die. Eius martyrium explicat Tritemius de vir. ill. Ord. S. Ben. lib. 3. c. 322.

DECIMOTERTIO CAL. MAIL.

**R**omæ, Sancti Leonis Papæ IX. uirtutum & miraculorū laude insignis, inter cuius miracula hoc unum numeratur, quod dum Romæ ageret, terriò quoque die a Laterano in Vaticanum nudis pedibus, tribus tantum clericis comitatus, silentio noctis procedere psallendo, atque orando solitus fuerit. Cantuarie in Anglia, Sancti Elphegi Archiepiscopi & martyris. Is, non obscuro loco natus, paterne neglecta hereditate, primo in Monasterium, deinde quolibet in diuinis cōtemplationibus conquiesceret, in solitudinem se abdidit; quo, peruagata illius sanctitatis fama, maximus ad eum factus est concursus nobilium hominum, salutis consilium expetentium: mortuo autem Vintoniæ Episcopo, in illius locum successus est diuino admonitu; indeque ad Archiepiscopatum Cantuariensem uocatus, occupata per Danos Anglia, ob pietatem uaria ab illis cruciamenta perpessus, demum, securi capiti infixus necatus, martyrii corona donatur. In cœnobio Lobiensis, depositio Sancti Vrsinari Episcopi, & confessoris, qui prædicationis munere, permultos ad fidem



fidem Christi perduxit, & miraculis clarus, quicuit in Domino. In Blandinio Monasterio, eleuatio corporis Sancti Florberti, primi eiusdem cœnobii Abbatis.

APRILIS 19.

**L**eonis Papæ IX. ] De quo Mart. Rom. cum Baronio, Molanus in addit. ad Vsuard. Galefinus, & Maurolycus, hac die Carolus Sigonius de Regno Italia lib. 8 ad annum 1054. eius natalem reponit, decimo sexto cal. Maij. Eius res gestas testatur Molanus inueniri in cœnobio S. Adriani in Geraldii Monte, libris duobus. Itinerarium eius descripsit Anselmus Monachus Remensis, ut testatur Sigebertus de ill. script. cap. 153. Acta eiusdem prosequuntur Platina, Panninus, & alij, qui de Romanis scripserunt Pontificibus. Fuit genere Alsata, Bruno, ante uocatus, referenteque Tritemio in Chronico Hirsaugie, & Fratrem Francisco Yuauez Monacho Benedictino Hispano, in Epitome uirorum illustrium Ord. S. Benedicti, id confirmante, Monachus primum Tullensis, deinde eiusdem sedis Episcopus, postrema Papa Leo huius nominis nonus. Constitutiones eius & egregie facta fusius recenset Galefinus hac die in suo Martyrologio. Quantum sedit in Petri Cathedra, quoue anno migravit a seculo, diximus in tractatu de Summis Pontificibus Ordinis nostri. De eodem agit & Petrus in Catalogo lib. 4. cap. 65. & alij infiniti, quos breuitatis causa præterimus.

Elphegi] De eodem Mart. Rom. cum Baronio, alijque superscripti, Maurolyco solo excepto, hac die. Res eius præclare gestas posteris reliquit Osbertus Monachus, Cantuariensis, quas adfert Surius Tomo 2. Petrus item in Catalogo lib. 2. cap. 12. Tritemius de uir. ill. Ord. S. Ben. lib. 3. cap. 237. & lib. 4. cap. 113. & Vincentius in speculo lib. 2. 5. a capite primo, ad nonum exclusiue. Agitur & de eodem in uita S. Anselmi Episcopi ab Eddenero conscripta, quæ extat apud Surium, Tomo 2. die 11. cal. Maij. Nomen ratum a Polydoro Virg. in hist. Angl. lib. 8. 27. Episcopus Cantuariensis, sed 28. fuit, Damianus enim Episcopus. 7. ab eo omittitur, ut alibi diximus, annusq; eius martyrii notatur, Canuti Regis, nonus, qui est a Christo 1023. ætatis sue 59. & Episcopatus 6. Corpus eius post annos decem incomptum repertum, usque ad hæc nostra calamitosa tempora durauit, & recens sanguinis, & corporis illibata integritas.

Vrlmari] Eius meminere Mart. Rom. cum Baronio; Maurolycus, & Felici, hac die, Vsuardus autem, Molanus, & Galefinus, prædie huius die sequenti Ratherium Episcopum Veron. uitæ eius scriptorem, qui ait eum migrasse eo die. Hanc habet Surius Tomo 2. de Sanctis hac die. Confirmatur & a Jacobo meyerero in Annal. Fland. lib. 1. ad annum 713. qui eo anno,



no, & hac item die mortuum dicit. Recitantur a R. Baronio, & Molano in suis notis, & alij scriptores rerum gestarum huius Pontificis, quos ibidem reperies. Molanus item pluribus in indic. Sanct. Belgij. Tritemius de vir. ill. Ord. S. Ben. lib. 3. cap. 157. & lib. 4. cap. 174. Errat tamen cum ait eum obiisse, nono cal. Maij. Nouissime omnium uitam eius, & aliorum illius coe nobij Sanctorum, Heroico carmine decantauit, Dominus Augustinus Bon temps, Attrebas, illius cœnobii Monachus, ac meus in Schola Duacensi condiscipulus, poeta nostri temporis non contemnendus, quæ utrum typis data sint, adhuc ignoro. De eius prædicatione plura reperiuntur in uita S. Arnulphi Episcopi Sueffionensis, apud Surium Tomo 4. die 15. Augusti. Successit autem in regimine Abbatiæ & Episcopatus, S. Hiulpho Duci, & Abbati Lobienfis cœnobii.

Elenatio Florberti.] siue ut alius placet Floriberti, cuius eleuationis Molanus meminit in addit. ad Vsuardum, & in indic. Sanct. Belgij hac die. Facta est autem anno 975. per Albertum Remorum Pontificem, qui erat ab eius morte 330. Meyerus tamen lib. 2. Annal. Fland. ad annum 975. eleuationem hanc factam ait pridie calendas Octobris. Sequimur autem hac in parte Molanum, qui rerum gestarum Sanctorum Belgij fuit personalis, & diligentissimus scrutator, & scriptor, ut ipsi uidimus oculis nostris, cum ad Monasterium nostrum Oudemburgense accessit, res gestas S. Arnulphi Episcopi, fundatoris nostri, notaturus.

## DVODECIMO CAL. MAII.

Sconaniæ, depositio Sanctæ Hildegundis virginis, Ordinis Cisterciensis, quæ simulato sexu, in Monasterio viuens, a Fratribus Ioseph appellabatur. Eodem die in Erfordia, translatio, Sancti Adelarij, primi, & ultimi Erfordensis Episcopi, & martyris, discipuli Sancti Bonificij Moguntini Archiepiscopi & martyris: qui post multos in prædicando perpeffos labores, Martyrio clarus euolauit ad cœlum, simul cum suo magistro & quinquaginta tribus socijs Monachis.

## APRILIS 20.

Hildegundis.] Huius meminit Molanus in addit. & annot. ad Vsuardum, hac die. Eius uitam Cesarius Monachus Heisterbacensis, Ordinis Cisterciensis, illustrium suorum miraculorum lib. 1. cap. 40. diffusè descripsit. Migrauit a seculo anno Domini 1188. Feria quarta hebdomade Paschalis. Sepulta autem est in Sconaniæ cœnobio, ad cuius sepulchrum huiusmodi est inscriptio apposita.

Omnis homo miretur, homo quid fecerit iste,

Hæc, cuius fossa cineres inclusit & ossa,

Mas



Mas vitens paret, moriens sed semina claret,  
Vita sefellit, mors que refellit rem simulatam,  
Hildegunt dicta, vitæ est in codice scripta.  
Maij bisseis est hæc defuncta Calendis.

*Trittemius in Chron. hirs. tale de ea testimonium adfert. Sancta Hildegundis Ordinis Cisterciensis in Monasterio Schonaugiensi anno 1188. obiit duodecimo calendis Maii: quæ simulato sexu, masculinum se fingens inter Monachos ibidem nouiciatus habitum susceperat, ac mutato nomine se Iosephum appellauit: & usque ad mortem incognita permansit. Huius vitam Cæsarius Monachus Heisterbacensis conscripsit. Hæc Trittemius.*

*Translatio Sancti Adelarii. Fuit Monachus Muschella in Anglia, & Erfordensis in Thuringia, primus & ultimus Episcopus, martyrio coronatus ut patet anno Domini 754. simul cum Sancto Bonifacio magistro suo. Martyrij eius solennitas agitur die 5. Junij. Translatio vero hac die, cui auctor est Petrus Cratepolius de Episcopis Germaniæ. Corrigendus ergo uenit Trittemius, qui hac die passum scribit, de uir. illust. Ordin. S. Benedi. lib. 3. cap. 175. & lib. 4. cap. 183.*

VNDECIMO CAL. MAII.

**C**antuariæ in Anglia, Sancti Anselmi Archiepiscopi & confessoris, sanctitate & doctrina conspicui. Apud Leodium, in Ecclesia Sancti Laurentii, Sancti Vuolbodonis Episcopi piissimi. Hic ueterum Episcoporum æmulatus sanctimoniam, tanto ardore orasse traditur, ut continua poplitem flexione, genibus obdureret callos: frigoris, uigiliæ, inediæ, adeo patiens, ut alpera sæpè hyeme, nudis pedibus in templis pernoctaret. Eodem die, translatio Sanctæ Ermelendis virginis Sanctimonialis. Veronæ, Sanctarum Liberæ & Faustinae Sororum, & virginum Sanctimonialium.

APRILIS 21.

**A**nselmi] *De eo Mart. Rom. cum Baronio: Molanus in addit. & annot. ad Usuardum, Galefinius, Felici, & alij hac die. Huius res gestas conscripsit Edimerus eius conuictor, quas retulit Surius Tomo 2. Edmundus item Cantuariensis Monachus, addito & alio libello de discordia eius inter Regem Henricum, ut refert Henricus de Gandano de script. Eccles. cap. 7. Petrus, in Catalogo lib. 6. cap. 56. Vincentius Beluacensis in Speculo, lib. 25. a capite 67. inclusiue, ad 82. exclusiue. Polydorus uirg. in Hist. Angl. lib. 10. & 11. ferè per totum. Trittemius de uir. illust. Ordin. S. Benedi. lib. 2. cap. 101. ubi eius scripta recenset. lib. 3. cap. 327. & lib. 4. cap. 122. & libro de scriptoribus Ecclesiasticis. Sigebertus de Eccles. script. cap.*



cap. 169. Henricus de Gandauo cap. 5. Sixtus Senensis in Bibliotheca Sancta lib. 4. alijque innumeri. Fuit ut quibusdam placet Italus Longobardus, aut ut alij scribunt Burgundus; nonnulli tamen ciuitate Augusta ortum asserunt; Monachus primum, Prior, & Abbas Monasterij Beccensis in Normandia, deinde Archiepiscopus 35. Cantuariensis: quo munere functus est annis 16. migravitque a seculo anno 1109. die Iouis Sancto, aetatis suae 76. Interfuit concilijs, Romano, & Barensi. Extant ad eum Epistola nonnullae S. Paschalis Papae II. & eiusdem responsiuae ad Papam. Pater eius Gundulphus, fuit Monachus sub eo in eodem caenobio Beccensi. Res quas fecit, & opera, retulimus in ramis huius Arboris. Mattheus Vuestmonasteriensis in flor. hist. ad an. 1109. migrasse refert die septimo calendas Maij.

Vvolbodonis] De eodem Molanus in addit. ad Usuardum hac die; Cuius vitam, eodem referente, scripsit Reinerus Monachus ad Sanctum Laurentium, qua ibidem reperitur MS. Eius & meminit Iacob. Meyerus, in Annot. Fland. lib. 2. ad annum 1020. quo ex hac vita discessit. Catalogus item Episcoporum Leodiensium, & Demochares de sacrif. Missae, Tomo 2. cap. 37. a quibus numeratur 48. Tungrensis, & 19. Leodiensis Episcopus. Erat filius Godofridi Ducis Montani, Monachus primum Sabulensis, dein Decanus Traiectensis, postmodum Episcopus. Fuitque, vi ferunt, statura Gygantea.

Ermclendis] De hac, translatione agit Molanus, hac die, in indiculo Sanctorum Belgij. Natalis eius die 29. Octobris, vbi de ea agemus.

Liberæ & Faustinae] Antiqua monumenta San. Ver. de ysdem agunt hac die. Puto tamen translatione earum esse, Natalis enim incidit in diem 18. Ianuarij.

## DECIMO CAL. MAII.

IN caenobio Sancti Nicolai de Brauuuiler in comitatu Palatini Rheni, depositio Sancti Vuolphelmi Abbatis, doctrina, & Sanctitate conspicui. In Britannia minori, apud ciuitatem Sagiensem, Sanctae Opportunae virginis & Abbatissae, multarum Sanctimonialium matris.

## APRILIS 22.

Vvolphelmi] De quo Molanus in addit. ad Usuardum, & Felicæ hac die. Eius uitam breuiter recenset F. Petrus Cratepol. de Episcopis Germaniae. Monachus primo fuit in caenobio S. Maximini Treuiris: postea Abbas Gladebacensis, a qua ad Abbatiam Brauuuilerensem translatus, in eadem obiit anno 1069. Felicæ habet anno 1091. sed mendosè. Res eius gestas recensuit Cunradus Monachus Bruuuilerensis, relatas



tas a Surio in Tom. 2. de Sanctis. Sancta Berta Soror S. Vuolphelmi scripsit vitam S. Adelheidis primæ Abbatisse Vilecensis.

Oportunè] De hac item Felici & Molanus in addit. ad Usuardum hac die. Cuius vitam composuit S. Adelelinus Sagiensis Episcopus & Monachus, quam refert Surius Tomo 2. hac die. Fuit hæc Soror S. Godegrani Episcopi Sagiensis 11. & martyris, & Sanctimonialis, deinde Abbatisa cænobij Monasterioli in saltu Algia iuxta Saim Urbem: Floruit tempore Ludouici Regis Germaniæ, quiescit que in oppido Montiaci.

NONO CAL. MAII.

**I**N Prusia, Natalis Sancti Adalberti, secundi Pragensis Episcopi, & martyris, qui Polonis, Boiemis, & Hungaris Euangelium prædicauit. Hic cum Prufis & Liuonibus etiam fidem Christi annuntiaret, ab eorum Pontificibus de. m Diuina celebraret septies confossus, ac pluries scissus ictibus que, quassatus, ab eis tandem occisus est, ac capite truncatus, cuius corpus in arbore suspensum, Aquila per tri-duum custodiuit, donec membra scissa, per hospitem Sancti Viri in sportam collecta, iuxta locum martyrij in terra absconsa sunt. Ipso die Sanctæ Pulinnæ Virginis, Sanctimonialis Monasterij Sancti Mauritij.

APRILIS 23.

**A**Dalberti] De eo Mart. Rom. cum Baronio, Beda, Ado, Molanus in addit. ad Usuard. Galestinus hac die. Maurolycus, & Felici hac item die, & sequenti. Petrus in Catalogo lib. 4. cap. 87. quem tamen passim affirmat die 7. cal. Maij, sed arbitror mendum esse in impressione. Tritemius de vir. ill. Ord. S. Bened. lib. 3. cap. 228. & lib. 4. cap. 206. Eius vitam ab eius amico & Monacho fideliter conscriptam, habet Surius Tomo 2. Martyrium eius referunt & Mathias de Michouia in Chronico Polonorum lib. 2. cap. 8. Martinus Cromerus lib. 3. in Boleslao. 1. Rege. Antonius Bonfinius, de rebus Hungaricis lib. 1. decadis 2. Statim in principio. Aeneas Siluius, qui post Pius Papa II. in hist. Boiemica cap. 16. & Ioannes Dubravius Episcopus Olomuzensis in hist. Boiem. lib. 6. circa medium. Fuit autem Adalbertus Slauici, & Stresilauæ, comitum Libera filius, Voytichius, qui interpretatur Exercituum consolator, in Baptismo uocatus; qui a parentibus ad Adalbertum Magdeburgensem Archiepiscopum, ut ab eo erudiretur, missus, in cænobio Magdeburgensi vitam professus Monasticam, ab Episcopo, Adalbertus uocatus est: postea defuncto Dithmaro, primo Pragensi Archiepiscopo & Monacho, eidem successit anno 981. Pulsus deinde, ac Romam profectus, in cænobio S. Alexij, sicut ut Tritemio, & vita ipsius scriptori placet, S. Bonifacij, una cum S. Gaudentio,



dentio, rti & confirmat Leo Ostiensis in Chron. Cas. lib. 2. cap. 17. per septem annos in Monastica obseruantia sub Leone Abbate, permansit, & tandem martyrio coronatus occubuit, anno 997. Vide plura de eodem in notis R. Baronij: & in tertio huius Arboris ramo, ubi de eius predicatio-  
ne egimus.

Pulinnæ virg.] De qua Molanus in addit. ad Vsuardum, hac die. Fuit Soror S. Lutrudis uirginis, de qua agitur die 22. Septembris, & Monialis S. Maurij Corbeia.

## OCTAVO CAL. MAII.

IN Anglia, depositio Sancti Melliti Episcopi qui a Sancto Gregorio in Angliam missus, Orientales Saxones, & Regem ipsorum ad fidem conuertit. In Hibernia, Sancti Egberti Presbyteri Monachi, & confessoris, admirandæ humilitatis, & continentia uiri. Blesis, Sancti Deodati Abbatis, & Leuitæ. Remis ciuitate, Sanctarum virginum Bonæ, & Dodæ. In territorio Aruernensi, depositio Sancti Roberti, primi Abbatis Casæ Dei, & confessoris. Eodem die in cenobio Vverdensi, Eleuatio Sancti Ludgeri Episcopi, & confessoris. Ipso die, Sanctæ Coronæ virginis Sanctimonialis.

## APRILIS 24.

Melliti] De eo Mart. Rom. cum Baronio; Beda, Vsuardus, Ado, Galefmius, Maurolucus, Felici, & alij, hac die. Vitam eius ex Beda lib. 1. cap. 29. hist. Angl. adfert Surius Tomo 2. qui Beda pluribus alijs in locis eiusdem hist. eius meminit; Gregorius item in Epistolis, lib. 9. Epist. 48. 52. 56. & 71. & Ioannes Diaconus in uita S. Gregorij, lib. 1. cap. 31. Tritemius de uir. ill. Ord. S. Ben. lib. 3. cap. 56. & lib. 4. cap. 50. qui reponit eam die 9. calendas Martij, cum Beda. & Polydorus Virg. hist. Angl. lib. 4. quem Miletum appellat. Ex Monacho S. Andreae Romæ factus est primus Londoniensis Episcopus, ac deinde tertius Cantuariensis Archiepiscopus. migravit e uita anno 624. regiminis sui, quinto.

Regem ipsorum] Is fuit Sibertus, tertius Orientalium Saxonum Rex, a Sancto Mellito baptizatus.

Egberti] De quo Mart. Rom. cum Baronio; Molanus in addit. ad Vsuardum, & Galefmius, hac die. Res eius gestas recenset Beda, lib. 3. hist. Angl. cap. 4. & 27. lib. 4. cap. 3. & lib. 5. cap. 10. & 23. Tritemius de uir. ill. Ord. S. Ben. lib. 3. cap. 130. Fuit Monachus & Abbas Monasteriorum S. Columbani, migravit anno 728.

Deodati] Eius meminit Molanus in addit. ad Vsuardum, hac die: sed tempus reticet.

Bonæ & Dodæ] De iisdem & Martyrol. Roman. cum Baronio,

Кк Мо-



Molanus, Galefinius, & Felici, hac item die.

Roberti] Memoriam eius agunt Molanus in addit. ad Vfsuardum, & Felici, hac die. Maurolycus item, sed eum cum Roberto Abbate Melfensi confundit, correctione igitur indiget. Res eius gestas refert Surus Tomo 2. hac die. Floruit anno Domini 1040,

Elevatione Ludgeri] De hac elevatione agit Molanus in indic. SS. Belgij, hac die.

Coronæ] De hac item Molanus in addit. ad Vfsuardum, & Galefinius, hac die. Fuisse autem sanctimoniale Ordinis nostri, Martyrologia Benedictinorum a quibus accepisse se fatetur Galefinius, produnt: quo vixit tempore non liquet.

## SEPTIMO CAL. MAII.

Roma, Litaniæ Maiores ad Sanctum Petrum, ex institutione S. Gregorij primi, Papæ. Laubijs, Natalis Sancti Ermini, Episcopi & confessoris. Baioci, Sancti Marcolphi Abbat. In Hispanijs, depositio Sanctæ Tarasie Reginae, filiae quondam Veremundi secundi Regis Castellæ, quæ a Fratre, inuita quamuis, Abdalæ Saraceno- rum Toletum Regi nuptum data, miraculosè ab eo intacta relicta, in Monasterio Sancti Pelagii Quieti vitæ reliquum in virginitate traduxit, bonis que operibus plena migravit in cælum. Cluniacensis obitus Beati Hermanni Monachi, & marchionis Zeringensis, qui vxore, & unico filio pro amore Christi relictis, uitam Angelicam in terris ducens, verè Monachus migravit ad Dominum.

## APRILIS 25.

Litaniæ maiores] De his agunt quotquot Martyrologia scripserunt, & alij infiniti hac die; de quibus fusè satis egimus in tractatu de S. Gregorio Papa in primi rami huius Arboris explicatione: quas ideo hic retulimus, quod a summo Pontifice Monacho Ordinis S. Benedicti sint in scriptis.

Ermini] siue ut alij legunt Hermini, cuius meminit Molanus in addit. ad Vfsuardum, hac die: item & in indiculo Sanctorum Belgij, ubi citat eius acta Laubijs, siue Lobijs apud Binchium reperiri. Tritemius de vir. ill. Ord. S. Ben. lib. 3. c. 160. & lib. 4. c. 180. a quo vtroque Hermannus uocatur, in littera, in duobus uu, commutatis. Successit S. Ursus anno 713, in regimine Abbatie & Episcopatus, vt annotat Martini lib. 1. Annal Flandriæ.

Marcolphi] siue Marculphi. Huius Natalem hac die annotat Tritemius de vir. ill. Ord. S. Ben. lib. 3. cap. 54. fuit autem, vt Tritemius non Abbas Baiocassinus, sed Nantum in agro Constantino, originarius tamen Baiocassinæ. De eo agit & Robertus Cœnalis de re Gallica lib. 1. cap. 10.



de 4. floruit sub Childeberto Rege. Vincentius in Speculo lib. 22. ca. 11. de eodem agit.

Tarasia] Eius Natalem assignat hac eadem die Ambrosius de Morales in hist. Hisp. lib. 17. cap. 48. qui & capitibus 23. 38. 39. & 48. eiusdem res eius gestas comprehendit. Agit & de ea Vaseus in Chronico ad annum 983. & alij Hispanici scriptores. Obijt anno Domini 1039. Sepultra Ouieti, cum hoc Epitaphio.

En quam cernis cauea saxa tegit compago sacra.

Hic dilecta Deo recubans Tarasia Deo dicata, proles Beremundi Regis, & Geloyræ Reginae, genere orta clara, parentatu clarior, & merito, Vitam duxit præclaram, ut continet norma, Hanc imitare velis, si bonus esse cupis.

Vel si... obiit sub die 7. Kal. Magij Feria 4. hora mediæ noctis. Era M. LXXXVII. Post peracta ætate, sæculi porrecta per ordinem mundi sexta. Da Christe quæso ueniam. Parce præcor. Amen.

Hermanni Monachi] Cuius obitus hac die notatur a Bertholdo in append. ad Contractum, quem anno Domini 1074. obiisse refert.

SEXTO CAL. MAII.

IN monasterio Centula, Sancti Richarii Abbatis, & confessoris, in pauperes singulariter munifici. Apud Legiã, Sancti Floriberti Episcopi eiusdem loci, & confessoris. Camalduli, depositio, Sancti Petri cognomento Teutonici, qui Pij secundi Papæ animam tribus diadematis redimitam, longe ipse positus, per Angelorum manus ad celos deferri uidit. Senis depositio Beatæ Aldobrandesca, Sanctimonialis tertij Ordinis Humiliatorum, admirandæ sanctitatis & patientiæ forminz. Hæc ex nobili Ponziorum genere nata, & Bindoni Bellanti iuueni nobilissimo matrimonio copulata, exemplo Annæ Prophetissæ, in perpetua uirginitate cum uiro suo permansit, quo mortuo, habitum Sanctæ Religionis assumens de manibus R. P. F. Accursij Tolomei, tanta Religione uixit, ut & in uita, & post mortem multis miraculis claruerit.

APRILIS 26.

Richarij] De quo Mart. Rom. cum Baronio, Usuardus, Galestinus, Maurolycus qui Riarij corruptè legit, Felici, & alij, hac die. Petrus in Catalogo lib. 4. cap. 90. & Vincentius in Speculo lib. 23. c. 96. & 97. res eius gestas breuiter recensent. Tritemius item de uir illu. Ordin. S. Benedicti. lib. 3. cap. 295. Vitam eius ab Alcuino Abbate conscriptam, adfert Surius Tomq. 2. hac die. Vixit temporibus Dagobertis Regis circa

KK 2 annum



Annus Domini 640. fuitque Abbas Centule in agro Pontio.  
 Floriberti] De eo Molanus in addit. ad Usuard. hac die. Tabula Leodienſis Natalem eius die præcedenti reponunt, a quibus, & a Demochare de Sacrif. Miſſe Tomo 2. cap. 37. notatur 31. Tungrenſis, ſecundus verò Legienſis ſeu, ut nunc dicunt, Leodiensſis, Epifcopus. Filius erat S. Huberti præceſſoris ſui, Abbasq; Stabulani, creatus ſecundum Democharem anno 731. & mortuus 745. Tabula verò Legienſes creationem eius reponunt anno 727. & mortem anno 745.

Petri] Tabula Camaldulenſes natalem eius hac die annotant. Vitæ eius ſcripſit D. Auguſtinus Florent. in hiſt. Camald. parte 1. lib. 2. cap. 7. Obijt anno 1473. ætatis ſuæ anno 98.

Aldobrandeſchæ] De qua Silvanus Razzi Florentinus, Monachus Camaldulenſis, qui eius vitam a R. P. F. Gregorio latinè conſcriptam, adfert, in libro de vitis SS. Ethruriæ, hac die. Nata eſt Senis anno 1249. die 28. Februarii: obiit verò anno 1310. hac die, & poſtridie, ideſt 29. Aprilis in Eccleſia S. Thomæ RR. PP. Ordinis Humiliatæ digno honore ſepulta eſt, ſub Altari S. Mariæ. Eleuata autem anno 1489. decem mēſe Noſembri, cum multa miraculorum atteſtatione.

QVINTO CAL. MAII.

IN cœnobio Heidemhemēſi iuxta Eiſtadium in Germania, de poſitio Sanctæ Vualburgis uirginis & Abbatiffæ, Sororis Sanctorum Vuillebaldi, & Vanebaldi, ex cuius corpore oleum in ſubæctum argenteum uas miraculoſè deſluit, quod multis grauiſibus morbis medetur. Nouiomi, translatio Sanctæ Godebertæ uirginis & ſanctimonialis.

APRILIS 27.

Vualburgis] Hac die deſunctam aſſerit Trittemius de vir. ill. Ordo S. Benedi. lib. 3. c. 250. attamen ſolēnitatem peragi die primo. Maii quando eius facta eſt translatio, ibi ergo de ea plenius agemus.

Godebertæ] Hanc translationem factam refert Demochares Tomo 2. cap. 15. de Sacrif. Miſſe, anno 1167. hac die, per Balduinum Epifcopum Nouiomeſem, ab Altari S. Georgij, ad Eccleſiam S. Mariæ uirginis.

QVARTO CAL. MAII.

Leodij translatio Sancti Lamberti Epifcopi, & martyris. Eodem die, Duaci, Eleuatio S. Amati Archiepifcopi Senonēſis, & coſeſſoris. Ad hanc eleuationem ſacri corporis, quod perdidit minus reddidit multis, ſanitatē uidelicet ægrotis, lumen & auditum cæcis & ſurdis, inde uerò uiri prius cōfracti redierunt exul-



exultantes, uestigia pedum admirantes. Spiræ, translatio Sancti Guidonis primi Abbatis Pomposiæ, per Henricum Imperatorem facta, qui in Ecclesia collegiata nomini eius dedicata corpus honoris sicè recondidit.

APRILIS 28.

Translatio Lamberti] *Huius translationis meminit Molanus in addit. ad Vsuardum, & in indiculo sanctorum Belgij, hac die.*

Eleuatio Amati] *De hac eleuatione idem Molan. locis citatis hac die.*

Translatio Guidonis] *Translationem præsentem reponit hac die Tritemius de uir. ill. Ord. S. Bene. lib. 3. cap. 317. De eo plenius egimus ultimo Martij.*

TERTIO CAL. MAII.

In cænobio Cluniacensi, depositio Sancti Hugonis Abbatis, qui in natione Eduësis, generosis parçibus illustris, sed prærogatiua uitæ, pariter & uirtutum titulis illustrior fuit: Leprosus, & paraliticus sanauit, & puerum defunctum, uitæ restituit. In Monasterio Molifmensi, Sancti Roberti, primi Cistertii Abbatis, qui Cistertienfis Ordinis, diuina largiente gratia auctor, in Religiosa uita floruit, celestis uirtute, & miraculorum magnitudine. Dononii, iuxta Valencianas festiuitas Sanctæ Auæ Virginis, secundæ eius loci Abbatissæ. In cænobio Fontaneti in Gallia, Sancti Mariani Monachi depositio, qui fuit discipulus Sancti Mamertini Abbatis Antifiodorensis.

APRILIS 29.

Hugonis] *De hoc Mart. Rom. cum Baronio: Molanus in addit. ad Vsuardum, Galefinius, Maurolycus, Felici, Calëdarium, & Chronicon Cluniacense, & alij, hac die. Vitam eius habet Surius Tomo 2. ab Hugone Monacho descriptam. Res item eius gestas posteris reliquit Dominus Hilbertus Cænomanensis Episcopus, Hugonis discipulus, & Monachus Cluniacensis. Scripserunt eandem referente Molano, Gilo, & Reinaldus Abbas. Tritemius de uir. ill. Ord. S. Ben. lib. 3. cap. 328. agit de eodem: & Petrus in Catalogo lib. 6. cap. 58. qui corrigendus est attamen, dicit enim obuisse tertio nonas Iulij, sed forsitan mendosus est liber. Vincentius in speculo lib. 26. capitibus 3. 4. 5. 6. 7. 8. & 9. Chronicon Cluniacense MS. quod apud me est præclara eius facta insigniter & fusè prosequitur. Discipulos habuit egregios, inter quos fuere Gregorius VII. & Urbanus II. Põrifices Romani, & multi præterea alij Episcopi & Sanctæ Ecclesiæ Prælati. Ecclesiam Cluniacensem diuina admonitus reuelatione, totam etiam Orbi admirandam spatio uiginti quinque annorum opere mirifico*

KK 3 comple-



compleuit, in modum uidelicet Crucis ✠ Patriarchalis; de qua ædificatione sequentes reperiuntur uersus.

Petrus cum Paulo, prothomartyr Stephanus, ægro  
 Astant Gonzoni, dicentes huic morienti.  
 Gonzo, surge cito, sta sanus, nuncius ito,  
 Abbati nostrum mandatum ferre memento.  
 Dic faciat templum, quo tantus grex Monachorum,  
 Gaudeat assiduo modulamine psallere Christo.  
 Gonz beatorum retinens mandata priorum,  
 Ex his nil celat, Hugoni cuncta reuelat.  
 Verbis Gonzonis, deuotio credit Hugonis.  
 Hoc igitur fundo, toti mirabile mundo  
 Aedificat templum, largum, sublime, uenustum.  
 Iste Pater Sanctus, quo non est sanctior ullus.  
 Fundat opus uirtute Dei, non arte uirili.  
 Fama loci tanti, quæ mox diffusa per orbem  
 Ad se cunctorum, trahit affectus populorum.

Fuit autem Abbas eius loci sextus, creatus anno 1049. obiitque anno 1109. regiminis sui 60. De Abbatibus Cluniacensibus, a primo usque ad hunc Hugonem facti referuntur hi uersus.

Ordine Berno prius, stat honore beator Odo.  
 Post fuit Aymardus, Maiolus forma uirorum.  
 Igneus ardentem uix cohibens animum,  
 Surgit ab his Sanctus, sacer Odilo missus ab oris.  
 Mirior ingenio, quam ferus imperio.  
 Proximus Hugo uenis, discretis usus habenis,  
 Ordine posterior, utilitate prior.

Robertus] De eodem Mart. Rom. cum Baronio, & alii omnes supra citati, hac die. Vitam eius retulit Surius Tomo 2. de Sanctis, quam describit curauerat Odo Abbas Molismensis. De eo agunt & Petrus in Catalogo lib. 4. cap. 102. & Vincentius in Speculo lib. 2. cap. 94. & 95. Volaterranus lib. 20. & alii innumeri. De eodem reginus supra in fundatoribus ordinum. Obiit ætatis anno 83.

Aux] De eadem Molanus in addit. ad Vsuardum, & in indic. Sancti Belgii, hac die. Fuit filia S. Aldeberti Comitis Austronandie, & S. Regine neptis Pipini Regis: sororque Sanctæ Ragenfredis primæ Abbatisse De nonii, cui in regimine successit.

Marianus] De eodem Petrus in Catalogo lib. 4. cap. 103. hac item die.



PRIDIE CAL. MAII.

**L**ondonij in Anglia, Sancti Erconuualdi Episcopi & confessoris, qui in ætate iam degens uita, totis uiribus theoricā diligēs, subditis sibi plebibus callem ueritatis uerbis atque exemplis monstrauit, multis que ornatus uirtutibus, migravit ad Christum. Tolosæ, Sancti Eremberti Episcopi, miraculis clari. In Hispania Sancti Petri Monachi & martyris, qui Amatori presbytero & Ludouico, prædicationis Euangelicæ fœdere iunctus, ob eam causam comprehensus, in fidei confessione constantissimus, ab Arabibus simul cum eis necatus est. Veronæ, Sancti Gualfardi Eremitæ, admirandæ sanctitatis. In Germania, Monasterio Sancti Martini, depositio Sancti Liuthfridi Abbatis, qui ferè triginta annis mundo crucifixus, & soli Deo uiuens, in senectute bona, quieuit in pace.

APRILIS 30.

**E**rconuualdi] *De eo Mart. Rom. cum Baronio, Molanus in addit. ad Vuardum, & Galefinius, hac die. Res eius gestas prosequutus est Gorzelinus Morimensis. De eodem agit Beda hist. Angl. lib. 4. c. 6. Trittemius de uir. ill. Ord. S. Ben. lib. 3. cap. 119. & lib. 4. cap. 163. Ex Abbate factus est Episcopus Londoniensis tertius, circa annum Domini 675. Eius soror fuit S. Edilburga Abbatissa Berchingersis. Eius & meminit Polydorus hist. Angl. lib. 4. in principio, & lib. 24. non longe a fine, sed Erbenualdum eum appellat. Obijt, ut uidetur, anno Domini 690.*

**Eremberti Episcopi]** *Huius Natalem annotat, hac die, Trittemius de uir. ill. Ord. S. Ben. lib. 3. cap. 277. de quo agit & lib. 4. cap. 229. Ex Monacho & Abbate Fontanelle, factus est Episcopus Tolosanus.*

**Petri Monachi]** *De eodem Mart. Rom. cum Baronio, & Galefinius, hac die. Alphons. in flore SS. Hisp. eius uitam adfert. Martyrii eius gesta describit S. Eulogius in mem. SS. lib. 3. c. 13. item & Ambrosius de Morales hist. Hisp. lib. 14. c. 23. quem die præcedenti reponit. Coronam martyrii accepit æra 893. a Christo autem an. 855. sepultus in cœnobio de Melaria.*

**Gualfardi Eremitæ]** *Tabulæ Veronenses de eodem agunt, hac die; Camaldulenses uerò pridie calendas Aprilis. Res eius gestas describit Rennerdis. & Illustris. D. Augustinus Valerius Veronensis Episcopus & S. R. E. Cardinalis quas reperire licet in libello de antiquis monumentis SS. Veronæ. Agit & de eodem Augustinus Florent. in hist. Camald. lib. 3. cap. 16. partis primæ: a quo Gualprandius uocatur. Migravit ex hac uita anno Domini 1127. & in Ecclesia S. Saluatoris sepultus est.*

**Liuthfridi Abbatis.]** *Hac die obiisse refert Bertoldus Constantiensis in appendice ad Hermannum Contractum, anno Domini 1096.*

Kk 4 MA-